

Pillugu: **Namineq illugisami inigisap nalingata akileraaruserneqartarnera**

Akileraarutit pillugit inatsimmi § 15 nr. 4 § 24 nr. 5-imut sanilliullugu aalajangerneqarpoq namineq illugisami inigisap nalinga akileraaruserneqassasoq, illu marlunnik imaluunniit arlalinnik immikkoortunik inissartaqarpat, imaluunniit illup initaasa ilaat annertunerusut piginnittumit inuutissarsiornermut tunngasumik ingerlatamut atorneqarpata.

Skatterådip isumaqatigiissutigaa ”annertunerusumik inuutissarsiummik ingerlataqarneq” imaa paasineqassasoq illup minnerpaamik affaa inuutissarsiornermut atorneqarpat, imlt. illup ilaa minnerpaamik 100 m² inuutissarsiornermut atorneqarpat.

Taamaalilluni akileraarusiineqassatillugu skatterådip aammattaaq isumaqatigiissutigaa ukiup aningaasarsiorfiusup aallartinnerani naalagaaffiup atorfeqartitaanut inigititaanut aammalu ininut attartortitanut akiusut tunngavigalugit akileraarusiineqassasoq. Akilli taakku sanioqqunneqarsinnaapput inigisaq immikkut ittumik atortorissaarusersugaappat imaluunniit ajorpallaarpat.